

BOSNA I HERCEGOVINA

Konkurencijsko vijeće



БОСНА И ХЕРЦЕГОВИНА

Конкуренијски савјет

ZAKLJUČAK

**o odbacivanju Prijave namjere koncentracije privrednog subjekta HIFA PETROL doo
Sarajevo**

**Sarajevo,
april, 2025. godine**



Broj: UP-05-26-1-002-11/25
Sarajevo, 24.4.2025. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. Zakona o konkurenciji („Službeni glasnik BiH“, broj 48/05, 76/07 i 80/09), rješavajući po Prijavi namjere koncentracije privrednog subjekta HIFA PETROL doo Sarajevo, zastupanog po advokatici Emini Hot Ajanović iz Sarajeva, zaprimljenoj dana 23.1.2025. godine pod brojem: UP-05-26-1-002-1/25, na 26. sjednici održanoj dana 24.4.2025. godine, donijelo je

Z A K L J U Č A K

1. Odbacuje se Prijava koncentracije privrednog subjekta HIFA PETROL doo Sarajevo, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Podnosilac predmetne prijave, obveznik je plaćanja administrativne takse u iznosu od 1.000,00 KM (slovima: hiljadu konvertibilnih maraka) u korist Budžeta Bosne i Hercegovine.
3. Ovaj Zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 23.1.2025. godine, pod brojem: UP-05-26-1-002-1/25, zaprimilo Prijavu namjere koncentracije (dalje u tekstu: Prijava) privrednog subjekta HIFA PETROL doo Sarajevo (dalje u tekstu: Podnosilac prijave ili **Hifa Petrol**), koja se odnosi na datu Ponudu za preuzimanja dioničkog društva POBJEDA dd Tešanj (dalje u tekstu: ciljno društvo ili **Pobjeda Tešanj**).

Privredni subjekt Hifa Petrol, dopunu prijave namjere koncentracije Konkurencijskom vijeću dostavio je dana 12.2.2025. godine, putem punomoćnika, tj. advokaticke Emine Hot Ajanović iz Sarajeva (dalje u tekstu: Podnosilac prijave ili punomoćnik)

Ponuda za preuzimanje dioničkog društva Pobjeda, objavljena je shodno zakonskoj obavezi, koja proizilazi iz člana 9. stav (1) Zakona o preuzimanju dioničkih društava (Službene novine FBiH: 77/15), odnosno ne radi se o dobrovoljnoj ponudi iz člana 10. stav (1) istog zakona. S toga, Podnosilac prijave zajedno sa licima u zajedničkom djelovanju, nije imao stvarnu namjeru preuzimanja navedenog dioničkog društva, nego je postupao u skladu sa obavezom

iz pozitivnih zakonskih propisa, što potvrđuje i činjenica da je ponuđena cijena dionice 20,00 KM dok je njena nominalna vrijednost 40,00 KM.

Podnosilac prijave je naveo da nema namjeru niti potrebu podnositi zahtjev za ocjenu predmetne koncentracije drugim jurisdikcijama.

Konkurencijsko vijeće je dana 20.2.2025. godine, zatražilo od Podnosioca prijave da istu dopuni podacima i dokumentima koji nedostaju.

Podnosilac prijave zatražio je dana 11.3.2025. godine, podneskom broj: UP-05-26-1-002-4/25, produženje roka za dostavu tražene dokumentacije, što je Konkurencijsko vijeće ocijenilo opravdanim, te odobrilo produženje roka za dodatnih 20 dana.

Dodatno pojašnjenje i dopuna prijave dostavljeni su Konkurencijskom vijeću podneskom : UP-05-26-1-002-8/25 dana 23.4.2025. godine.

Nakon što je utvrdilo da je podnesena prijava uredna i kompletna u smislu odredbi Zakona o konkurenciji («Službeni glasnik BiH», br. 48/05, 76/07 i 80/09) i Odluke o načinu podnošenja prijave i kriteriji za ocjenu koncentracija privrednih subjekata („Službeni glasnik BiH“, broj 34/10), Konkurencijsko vijeće je dana 23.4.2025.godine, podnosiocu prijave izdalo Potvrdu broj: UP-05-26-1-002-9/25, o urednoj i kompletnoj prijavi u smislu člana 30. stav (3) Zakona.

1. Učesnici predmetne koncentracije

Učesnici koncentracije su privredni subjekt Hifa Petrol i privredni subjekt Pobjeda Tešanj

Privredni subjekt Hifa Petrol, kao podnosilac prijave

Privredni subjekt Hifa Petrol doo, sa sjedištem na adresi Hotonj bb, 71320 Vogošća, registrovan je u Općinskom sudu u Sarajevu pod brojem 65-01-0723-08, u 100% je vlasništvu fizičkog lica ¹(..)** . Pretežna djelatnost ovog privrednog subjekta je trgovina na malo motornim gorivima u specijalizovanim prodavnicama.

Privredni subjekt Hifa Petrol doo, na cijeloj teritoriji Bosne i Hercegovine ima ukupno 59 benzinskih pumpi, a ne posjeduje benzinske pumpe na tržištima van Bosne i Hercegovine.

Povezana društva privrednog subjekta Hifa Petrol u smislu vlasničkih udjela su: (..)**

Privredni subjekt Pobjeda dd Tešanj, kao ciljno društvo

Privredni subjekt Pobjeda dd Tešanj, sa adresom Poslovna zona Bukva 3, 74260 Tešanj, registrovan u Općinskom sudu u Tešnju, pod brojem: 043-0-RegZ-25-000359, ima kao osnovnu registrovanu djelatnost - proizvodnju ostalih pumpi i kompresora.

Ovo dioničko društvo ima 541 dioničara, a vodeći su: Hifa Petrol doo Sarajevo sa 17,1866%, fizičko lice (..)** i td.

¹(..)** podatak predstavlja poslovnu tajnu

Povezano društvo ovog privrednog subjekta (u 100% vlasništvu) je privredni subjekt (..)**

2. Pravni okvir ocjene predmetne koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona i Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10) (u daljem tekstu: Odluka).

3. Pravni osnov i oblik koncentracije

Pravni osnov koncentracije predstavlja Ponudu za preuzimanja dioničkog društva POBJEDA dd Tešanj, donesena u skladu sa Zakonom o preuzimanju dioničkih društava i Rješenjem Komisije za vrijednosne papire Federacije BiH, od 30.12.2024. godine, kojim je odobreno objavljivanje ponude.

Za ovakve obavezne ponude je neizvjesno da će ponuđač nakon isteka roka, steći više od 50% udjela u ciljnom društvu, ukoliko se na ponudu javi mali broj dioničara.

Broj dionica koje su predmet ponude je 236.935 ili 50,1496% učešća.

Postojeći udjel ponuđača u ciljnom društvu je 49,504 % i to:

- Hifa Petrol sa 17,1866 % vlasničkog udjela, i
- fizička lica (..)**, djelujući zajednički u skladu sa Ugovorom o zajedničkom djelovanju ((..)**sa (..)**% udjela.

Rok važenja ponude za preuzimanje je 28 dana od dana objavljivanja ponude u novinama.

Podnosilac prijave u istoj navodi činjenicu da Zakon o preuzimanju dioničkih društava propisuje jedan od osnovnih principa preuzimanja – da se dioničarima mora omogućiti da na osnovu potpunih informacija odluče o ponudi za preuzimanje, što je moguće tek nakon objave ponude putem sistema berze, kada se ustvari aktiviraju mehanizmi regulisane trgovine. Dakle nakon objave na berzi ponuda stiče pravni značaj, jer se od tog trenutka stvara mogućnost sticanja dionica putem sistema koji garantuje transparentnost, jednakost i zakonitost procesa, a što se ne može ostvariti objavom u dnevnim novinama samostalno.

Postupak preuzimanja kontrolisan je i podlozan nadzoru Komisije za vrijednosne papire FBiH, što dodatno potvrđuje da se ponuda smatra zakonito objavljenom i pravno važećom tek kada je dostupna na uređenom tržištu tj, berzi, čime dioničari stiču pravo da učestvuju u preuzimanju.

Ponuđač je Ponudu objavio u dnevnim novinama „Dnevni avaz“ i „Dnevni list“, dana 4.1.2025. godine i na stranici Sarajevske berze dana 7.1.2025. godine, a do razlike u datumima objave došlo je usljed objektivnih okolnosti, tj. zvaničnih neradnih dana za novogodišnje praznike i vikend.

Namjeravana koncentracija se dakle odnosi na sticanje većinskog vlasništva i sticanje kontrole nad privrednim subjektom Pobjeda Tešanj od strane privrednog subjekta Hifa Petrol.

Slijedom navedenog, pravni oblik predmetne koncentracije jeste sticanje kontrole nad privrednim subjektom, kupovinom većine dionica, u smislu odredbi člana 12. stav (1) tačka b) pod 1) Zakona.

4. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga, koje su predmet obavljanja djelatnosti na određenom geografskom tržištu.

Naime, kako se navodi u prijavi, privredni subjekt Pobjeda Tešanj, kao ciljno društvo ove koncentracije, ima pretežnu orijentaciju svog poslovanja prema izvozu, te većinu svog prometa, tačnije 94,68% svog ukupnog prihoda, ostvaruje na inostranom tržištu tj. izvozom (ostalih pumpi i kompresora – kao pretežne djelatnosti). Tako proizvedene pumpe koriste se za dalju proizvodnju u motorima svjetski poznatih proizvođača (Mercedes, MAN, Iveco, Deutzh, Volvo, Scania i td.), gdje nijedan od njih nema proizvodnju na teritoriji Bosne i Hercegovine.

Pobjeda Tešanj, na tržištu Bosne i Hercegovine, ostvaruje svega 5,32% svog ukupnog prometa tj. ostvaruje prihod u iznosu od svega (..)** KM i to isključivo prodajom robe na teritoriji Bosne i Hercegovine, a kroz obavljanje ove tri djelatnosti (ostale djelatnosti):

- Proizvodnja metalnih konstrukcija i njihovih dijelova
- Proizvodnja ostalih gotovih proizvoda od metala
- Strojna obrada metala

Pregled ključnih konkurenata za 2024. godinu, na svakom od definisanih relevantnih tržišta

1) Proizvodnja metalnih konstrukcija i njihovih dijelova, na tržištu Bosne i Hercegovine

Glavni tržišni konkurenti: ukupan broj učesnika na tržištu – 163

ukupan prihod svih učesnika na tržištu: (..)**KM – za navedenu djelatnost

Tabela 1.

Kompanija	Prihod (KM) od djelatnosti (1)	Tržišno učešće (%)
FEAL d.o.o. Široki Brijeg	(..)**	(..)**
EMERUS d.o.o	(..)**	(..)**
ALFE-MI d.o.o. Živinice	(..)**	(..)**
ARMAKO d.o.o. Prnjavor	(..)**	(..)**
ADK d.o.o. Novi Travnik	(..)**	(..)**
FUEL BOSS d.o.o. Zenica	(..)**	(..)**
GMC d.o.o. Usora	(..)**	(..)**
LIMOCONT d.o.o. Gradačac	(..)**	(..)**
METAL a.d. Gradiška	(..)**	(..)**
Braća Mujić export-import	(..)**	(..)**
Pobjeda d.d. Tešanj	(..)**	(..)**
Ostali	(..)**	(..)**

Ukupno:	(..)**	100,00
---------	--------	--------

* Izvor: podaci iz prijave

Tržišno učešće ciljnog društva od 0,18 % na ovom relevantnom tržištu, može se smatrati neznatnim.

2) Strojna obrada metala na tržištu Bosne i Hercegovine

Glavni tržišni konkurenti: ukupan broj učesnika na tržištu – 127

ukupan prihod svih učesnika na tržištu: (..)**KM – za navedenu djelatnost

Tabela 2.

Kompanija	Prihod (KM) od djelatnosti (2)	Tržišno učešće (%)
TMD GROUP d.o.o. Gradačac	(..)**	(..)**
SIK d.o.o. Mostar	(..)**	(..)**
FORTIN d.o.o. Tešanj	(..)**	(..)**
SIM TECHNIK d.o.o. Kotor Varoš	(..)**	(..)**
BG ENERGO-TIM d.o.o. Prijedor	(..)**	(..)**
Anton Paar ShapeTec BA d.o.o.	(..)**	(..)**
INDEX d.o.o. Gračanica	(..)**	(..)**
ED.EN d.o.o. Visoko	(..)**	(..)**
TEHPRO CNC d.o.o. Cerani	(..)**	(..)**
MDG International d.o.o. Sarajevo	(..)**	(..)**
Pobjeda d.d. Tešanj	(..)**	(..)**
Ostali:	(..)**	(..)**
Ukupno:	(..)**	100,00

* Izvor: podaci iz prijave

Tržišno učešće ciljnog društva od 0,30 % na ovom relevantnom tržištu, može se smatrati neznatnim.

3) Proizvodnja ostalih gotovih proizvoda od metala na tržištu Bosne i Hercegovine

Glavni tržišni konkurenti: ukupan broj učesnika na tržištu – 69

ukupan prihod svih učesnika na tržištu: (..)**KM – za navedenu djelatnosst

Tabela 3.

Kompanija	Prihod (KM) od djelatnosti (3)	Tržišno učešće (%)
ZINKTEKNIK Bosnia d.o.o. Mostar	(..)**	(..)**
AMA Adriatic d.o.o. Sarajevo	(..)**	(..)**
VENDOM d.o.o. Laktaši	(..)**	(..)**
CIVIĆ d.o.o. Cazin	(..)**	(..)**
ELAS metalexpert d.o.o. Banja Luka	(..)**	(..)**
F I T d.o.o. Kozarska Dubica	(..)**	(..)**
INOX-AJANOVIĆ d.o.o. Tešanj	(..)**	(..)**
SACOM d.o.o. Sarajevo	(..)**	(..)**
DAL CIN d.o.o. Čelinac	(..)**	(..)**

LOVIĆ & CO d.o.o. Lukavac	(..)**	(..)**
Pobjeda d.d. Tešanj	(..)**	(..)**
Ostali	(..)**	(..)**
Ukupno:	(..)**	100,0

* Izvor: podaci iz prijave

** Iznos se odnosi na prihod od prodaje robe na domaćem tržištu

Tržišno učešće ciljnog društva od 0,42 % na ovom relevantnom tržištu, može se smatrati neznatnim.

Većinu svog prometa, društvo Pobjeda Tešanj ostvaruje izvozom tj. na inostranom tržištu, gdje ostvaruje prihod u iznosu od (..)**KM. Ovi prihodi nisu relevantni za analizu tržišnog učešća u Bosni i Hercegovini, jer se ostvaruju izvan domaćeg tržišta, za koje se vrši prijava namjere koncentracije (iz predostrožnosti u ovom slučaju).

Kada je u pitanju proizvodnja vodenih i uljnih pumpi za motorna vozila, što je njihova pretežna registrovana djelatnost, Pobjeda Tešanj isključivo je orijentisana na izvoz tj. inostrano tržište.

U Bosni i Hercegovini, Pobjeda Tešanj ne učestvuje na tržištu kada je u pitanju ova navedena djelatnost, već na domaćem tržištu učestvuje kroz svoje ostale, naprijed navedene i analizirane djelatnosti.

5. Ocjena koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihod učesnika koncentracije ostvareni prodajom roba i/ili usluga na svjetskom tržištu iznosi 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40 %.

Podnosilac prijave, dostavio je finansijske izvještaje za 2024. godinu, koji prikazuju sljedeće podatke o ukupno ostvarenom prihodu na domaćem i na inostranom tržištu, kako slijedi:

Tabela 4.

Privredni subjekt	Ukupan prihod po završnom računu u KM	Ukupan prihod ostvaren na tržištu BiH u KM	Prihod ostvaren prodajom roba na svjetskom tržištu
Pobjeda Tešanj	(..)**	(..)**	(..)**
Hifa Petrol	(..)**	(..)**	(..)**

*Izvor: finansijski izvještaji

Prema podacima prikazanim u Tabeli 4., finansijski pragovi za obavezu prijave koncentracije u pogledu ostvarenog prihoda učesnika koncentracije, kako to propisuje član 14. stav (1) tačka b) Zakona, nisu ispunjeni.

Imajući u vidu činjenicu da Podnosilac prijave nije prisutan na navedenim tržištima ciljnog društva, označenim kao relevantnim tržištima na teritoriji Bosne i Hercegovine, nema ni horizontalnog preklapanja između učesnika koncentracije, te predmetna koncentracija neće rezultirati promjenama u već postojećem tržišnom učešću učesnika koncentracije.

Smatra se da učesnici koncentracije nisu ispunili uslov iz člana 14. stav (1) tačka b) niti u pogledu zajedničkog tržišnog udjela na relevantnom tržištu u Bosni i Hercegovini.

Na osnovu svega naprijed navedenog, utvrđeno je da privredni subjekti nisu bili u obavezi podnijeti prijavu koncentracije u smislu člana 14. stav (1) Zakona, te je odlučeno kao u dispozitivu ovog Zaključka.

6. Administrativna taksa

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, broj 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka

Predsjednik

Ivo Jerkić